

Mas Lukaut



Yu Redi Pinis?

**DISPELA EM TOK LUKAUT BILONG YU LONG
KAM BEK BILONG BIKPELA !**

Hibru 11:7, "Noa i bilip long God na God i toksave long em long samting bai i kamap bihain, em samting Noa i no lukim yet: Orait em i bilipim tok bilong God na em i wokim ark na em wantaim meri na ol pikinini bilong en ol i go insait long ark na ol i stap gut na ol i do inap bagarap. Long dispela bilip bilong en, Noa i kamapim ples klia pasin nogut bilong olgeta arapela manmeri

bilong graun. Noa i bilip long God na God i kolim em stretpela man, olsem God i save mekim long olgeta man i bilip long em." Noa God i toksave long em long dispela bikpela wara taid.

De bipo long Jisas bai kam bek em bai wankain long taim bilong Noa. Matyu 24:37 i tok, "Kain pasin ol i bin mekim long taim bilong Noa, ol bai i mekim wankain pasin tasol long taim bilong pikinini bilong man i kamap. Taim bikpela tait i no kamap yet, ol i wok long kaikai na dring, na ol man i maritim ol meri, i go inap long taim Noa i go insait long sip. O1 i no save long dispela samting hai i kamap long ol, na ol i stap olsem tasol i go inap long taim bikpela tait i kamap na i pinisim olgeta dispela manmeri. Orait wankain pasin tasol i kamap long taim Pikinini bilong man i kamap." I luk klia tru olsem ol man bilong graun i no save long tru tru taim bilong wara tait bai i kam, tasol Noa i save na em i go insait long ark: Noa i kisim tok stret long God, o woning.

Noa i kisim nabawan woning o toksave bilong God i go long em, na dispela i mekim em i wokim ark. Em i wok inap long 120 yia gut tru. Noa i kisim namba tu woning o toksave i kam long God i go long em long wara tait. Insait long wan hundret na twenti yia Noa na family belong em na animal i no traim long go insait long ark, na pinis bilong despela taim ol i go insait long ark ol i redim belong wara tait. Em i kamap

olsem Noa i lukim blakpela kloud, na lait i kamap na em i harim kloud i pairap. Dispela em woning o toksave i go long husat i laik abrusim wara tait mas kam insait long ark.

Long skelim long taim bilong Noa na tu long las de nau em i klia tru. Jisas i tokim ol manmeri na i tok bai i gat toksave o woning i kamap (Matyu 25:6) bai tok save long kam bek bilong em. Tru tumas tudak bilong judgment i karamapim olgeta hap graun. Tok lukaut em nau na planti manmeri i no was gut o i no lukaut na i stap long kam bek bilong Jisas.

Long taim bilong Jisas long kustom bilong marit i narakain long tude. Man bilong marit bai wet insait long haus na taim ol i makim hour i kamap em i go bungim dispela yangpela meri em bai maritim em. Meri bilong marit i wet insait iong haus bilong em bikos em i save long taim stret bilong marit bilong em bai kam na kisim em i go. Meri bai marit i save olsem man bai maritim em bai kam olsem tasol meri mas redi long go wantaim em. Dispela marit pati lain i wet wantaim meri bilong marit i go long klostu bik nait o midnight hour. Long dispela taim em i luk olsem tudak. Marit pati lain mas redim lam bilong laitim lait long we bilong wokabout. Long biknait bai i gat singaut bilong wasman olsem, "Man i marit nupela em i kam nau. Yupela kam, yumi go bungim em long rot na bringim em i kam."

Rapture bilong sios bai kamap wankain olsem tasol. Yu nau i ritim tok lukaut we God i givim yu long redi long kam bek bilong em. Yu mas bihainim dispela fopela step long pasin bilong God i kisim bek man na yu bai go hantap taim rapture i kamap.

STEP 1- Putim bilip bilong yu insait long Jisas Krais.

STEP 2- Tanim bel long sin bilong yu.

STEP 3. - Baptize long nem bilong Jisas Krais na sin bai tekwe o pinis.

STEP 4 - Kisim Holi Spirit na mekim nupela nupela tok ples olsem Holi Spirit yet i mek im i kamap.

God i givim yumi pasin tru tru long kisim yumi bek em i stap long Aposel 2:38. "Na Pita i tokim ol yupela olgeta wanwan i mas tanim bil na kisim baptize long nem bilong Jisas Krais na yupela mekim olsem na bai yupela i kisim Holi Spirit." I no gat narapela way bai God i kisim bek man long dispela taim lain o dispensation.

Yu mas redi long kam bek bilong em. Baibel i tok, "Wanpela ansel bai putim wanpela leg hantap long graun na narapela hantap long sol wara na husat i dai long Jisas Krais bai kirap pastaim, na yumi i stap laip bai go hantap wantaim ol insait long kloud." Yu redi long kam

bek bilong em? Lukaut long dispela tok woning o was gut. Dispela tok woning bai i luk olsem bai i no gat narapela we bai yu kisim. Yu nau i kisim dispela woning long God na bai yu mekim wanem nau? Bihainim Jisas nau!